

明代傳記叢刊・綜錄類③②
周駿富輯

啓禎野乘

十六卷

(清)鄒

漪纂

明文書局印行

10/10/07

啓禎野乘

中華民國二十五年
十二月故宮博物院
圖書館校印

序

嗚呼史家之難其莫難於真僞之辨乎史家之取徵者有三國史也家史也野史也於斯三者考覈真僞鑿鑿如金石然後可以据事跡定褒貶而今則何如也自絲綸之簿在右史之書起居召對之籍化爲煨燼學士大夫各以己意爲記注憑几之言可以增損造膝之語可以竄易死君亡父欺天罔人而國史僞自史館之實錄太常之謚議琬琰獻徵之記載委諸草莽世臣子弟各以私家爲掌故執簡之辭不必登汗青裂麻之奏不必聞朝著飛頭易舌誣生欺死而家史僞自貞元之朝士天寶之父老桑海之遺民一一皆沈淪竄伏委巷道路各以胸臆爲信史於是國故亂於朱紫俗語流爲丹青循蟪蛄以尋聲傭水母以寄目黨枯仇朽雜出於市朝求金索米公行其剽刦才筆之士不自貴重高文大篇可以數縑邀取鴻名偉伐可以一醉博易而野史僞韓退之論史官善惡隨人憎愛附黨巧造語言鑿空構立何所承受取信而可草艸作傳記傳萬世乎謂予不信則又以人禍天刑懼之曰若無鬼神豈可不自心慙愧若有鬼神將不福人痛哉斯言正爲今日載筆之良規代斲之炯鑒也梁

溪鄒流綺氏名家俊民銜華佩實耻國史之淪墜慨然引爲己任先後纂述有成編矣而又不自滿假以予爲守藏舊老不擇其矇瞽而問道焉余敢以兩言進一則曰博求二則曰虛己夫子作春秋使子夏行求十有四國實書此博求也其定禮也一曰吾聞諸老聃再曰吾聞諸老聃此虛己也太史公於國語世本虞卿陸賈之書無不攬採叙荆軻留侯事徵諸侍醫徵諸畫工亦此志也具是二者而又取退之人禍天刑之懼爲之元龜師保於史也其庶矣乎鄒子握衣歛筆自命野乘未敢掉鞅超乘馳騁上下于遷固曄壽之間實斯言也吾有望矣往予領史局漳浦石齋先生每過余揚搢史事輒移日分夜就義之日從容語其友曰虞山尙在國史猶未死也劫火之後歸老空門每思亡友墜言輒有冥冥相負之痛鄒子漳浦之高弟也卒能網羅纂集以繼其師之志漳浦雲車風馬在帝左右監視陰騭故知恒在於斯鄒子尙勉之哉嗚呼鄒子尙慎之哉

石渠舊史虞山蒙叟錢謙益謹叙

序

王弼州有云千古而有子長也亦不能成史記予髫時讀之不覺失笑先予生十年時弼州猶在所草史料已燁燁映人倘使得奉漆器相從重以先方山主本紀鄭澹泉主志傳所就固可不啻如此啟禎二代豪霧淫潦激爲疾霆萬卉甲折間有闕損今甲申冬年家流綺鄒子起而任史屬予爲序予竊慨鄒子所叙先正皆不肖所十之三奉談笑十之五奉尺一其未嘗望鬚眉拜塔下者一二耳流綺振筆蒼雅一往畢肖若葉文忠則海山鳳蟲劉文端則匡廬蠹起徐文定蒐天人之奧左翼軒而右湘洲鄒忠介挺遺直之操肩忠毅而肘文介文采風流文文肅與董文敏並擅而較嶽嶽冬稜暑尺姚文毅與張清惠齊驅而特瀟瀟若夫北寺之對簿東林之講席鈞黨之波濤及人封疆之肝腦塗野予未敢謂前數君子之非廟厨後數君子之非張許更後數君子之非文陸也君家贈公我家太僕正使平心品藻固可賁煥山林鐫勒鐘鼎何忍以後人引嫌遽晦先德至若陳徵君鍾袁數先輩展冊揚挖幾謂古人稽厥歲月方知潯鄭乃香山遺老尤可思者張孝節亦嘗爲里中先賢立傳今名在集

中與二孝介俱永而彼直粉楡此兼槐棘尤二十四年間尙友無窮之感也嗟乎先皇帝延英時對雖輦轂小臣咸沾鑄晏一旦荏苒撲天禍集宮禁此數十公卿俊選支撐事變之績縱不足以弭風雨輦金湯亦庶幾千古下獲藉手長樂未央盛事與各名臣縹緗琬琰再考一代典訓其何患無子長流綺而子長自命也吾祝其自庚申以前今甲申而後各有論著似前左國後班范卓然爲昭代成書徐出餘晷刪訂宋王以上蕪謬一補無子長之缺陷而更不妨旁訖稗官雜綴小品正復有千寶不患無搜神有義慶不患無世說千古而有邀靈枯管大慰弇州先生所期者是在流綺已

同里年家友弟薛宗頓首撰

序

閒居寡歡汎瀾羣籍上自秦漢下訖金元廢書而歎曰史才之難也蓋不一端哉大約編年與紀傳分而紀傳尤難國史家史與野史分而野史尤難編年以帝王爲主起居有注時政有記禮樂征伐詔令封拜百司庶職各具掌故繁如也標歲月按條例即可次第成書若紀傳之作所見異辭所聞異辭所傳聞異辭裨官雜記悉爲恩怨好惡之私家傳墓碑無非門生故吏之語折衷既難表章非易任國史者地則蘭臺石室人則宰執侍從紆朱佩玉貴在日月之際而又大官給筆札郡國上計書尙書之副本延英之實錄忝所漁獵搖管風生述家史者一姓之譜牒一事之終始一人之銓除勛伐政事文學卽有畫凌烟而勒景鐘者首尾瞭如而况高門華閥芝草醴泉淵源有自鋪張易工者乎若夫以草莽參集賢弘文之著作以疏遠代孝子慈孫之描畫以耳目有限而欲周山海軒輶之典故以年代不齊而欲綜官府封疆賢奸進退門戶黨部之情態雖三長兼擅十行俱下猶懼莫給予少弄柔翰竊好掌錄舊聞間有撰述未敢問世今年甲申運當鼎革感星辰劍履之傾頽懼滄海桑田之變

易且念明之以史事自任紀傳略具者如海鹽吾學編溫陵續藏書晉江名山藏以及史概年表遠止弘正近亦嘉隆萬曆以來慨秘流傳況於啟禎乃取兩朝名蹟薈萃條列略記所知名曰野乘不列帝后不備表志以別于史也萬曆以上無聞焉予生也晚非身所親歷恐傳疑也有斗南重望而巋然靈光不輕點染以避諛而遠嫌也至蓋棺論定矣或遺蹟多缺蒐採未遍則以俟續刻寧詳無簡寧核無訛也其所稱引或本公車之疏牘或考鉅公之誌狀或質輿論之口碑或奉先達之緒論或壇坫周旋郵筒往還得於同人之評跋尺素之褒譏遲之又久聿告厥成獨是身不列承明足不窺天祿萬卷八千學慙德懷鉛抱槧癖類子雲殊自笑也雖然龍門氏稱古良史而掇輯不遺自詩書春秋外雜取之國策韓非諸家涑水資治最謹嚴矣十六國春秋開元天寶遺事廣陵妖亂志鄴侯家傳咸援據焉當吾世有子長君實斯編也安知非中流之一壺狐裘之一腋哉若曰是晉董狐所掌且比于謀野則獲則吾豈敢

時歲次甲申梁溪鄒澹流綺撰

凡例 五則

一予樸樸無似雅好讀史初擬自洪永以迄啟禎採錄先賢嘉言懿行人各立傳備歷朝之大觀佐簪筆之不逮苦於卷帙浩繁剴削無力斷自辛酉爲始萬泰以上容次第續編而是集纂輯之始在壬午春初至甲申冬季刻竣凡先輩之卒于啟禎年間悉其履歷者咸得登載其或附見後人或并及後事俱係近日補入以便觀覽至卒於乙酉后者另列二集不並見云

一是集體倣紀傳別類分門若品節若行誼若經濟若文學若循良若忠烈若義烈若隱逸若孝友以逮貞姬烈女方外藝流悉得表章罔敢遺失雖云才愧三長差幸書成一得竊見近今野史雜出哀鉞丹黃家自爲政貪同壽米固金濫等沈編收史美言巧飾穢舌飛汗妄誇入地上天之能不識人非鬼責之禍予用痛心疾首矢秉虛公按行必究其詳據言定覈其實是非不謬黑白井然至人有本末品有微彰外見之賢奸易剖中藏之眞僞難明忠孝廉節非釣名之資理學文章非掩惡之具予皆得而辨論焉若夫皇甫之稱帝

一
彞范曄之傳蔡姬揆天之藻非予所取其每卷中諸君子列名前後一以稿到之日爲次第不論爵之崇卑卒之時日初非有軒輊輕重之分也

一海內名賢搜羅未徧者指不勝屈掛一漏萬何敢逃罪況自北都之變篇帙半歸祖龍食貧之士又不克裹糧遠涉廣行採訪且其後人或賢愚不一往往以紀載之局視爲不急之務即如雲間董文敏玄宰予曾索行述于長君孟履竟無一字緘寄亦無半柬報答玉峰顧宗伯瑞屏客冬挾刺登門求教閣人峻拒不納集中所載傳述數言殊非仰止之意今先行初刻聊寄緇衣隨有續刊請正同志或碑誌或行紀或詩文凡在後死者幸勿吝示以便登梨但湏郵筒的確毋至珠玉浮沉爲幸至於當世名公遺老清風高節足以立儒廉頑不敢遽爲立傳姑俟他日間或因事類書存疏議種種以誌景企知我者諒不以阿私讓我耶

一予自遭多難家徒壁立梨棗之費悉剜肉補瘡爲之茲際右文之世明末舊刻雖有忌諱悉口流行況予是集雖刻在前朝而無關昭代尙冀大人先生鑒其口口

一是編意本闡幽原非揚惡當若溪史獄方烈當事大索逆書恐此刻有干碍曾將原本暨
明季遺聞申呈撫院韓公查驗無關憲批存案及康熙四年奉旨搜求民間啟禎年間事
蹟藏本蒙本縣吳伯成父母及京口錢日庵公祖俱以是刻申送撫院轉達禮部以備史
館採錄知我罪我世自有鑒之者非予所敢知也

康熙丙午秋七月既望梁谿鄒 濬流綺補識

ノ
4

二

啟禎野乘一集目錄

卷一

葉文忠公向高 劉文端公一燾

文文肅公震孟 王莊毅公紀

孫文介公慎行 尙書李公騰芳

馮恭定公從吾 附錄羽正 王文肅公圖

姚文毅公希孟 趙忠毅公南星

侍郎王公之崇

卷二

侍郎洪公文衡 尙書汪公應蛟

總督何公士晉 祭酒侯公格

理少方公大鎮 尙書陳公道亨

侍郎蔡公

毅中

都御史陳公

于廷

張清惠公

璋

侍郎葉公

茂才

太宰周公

嘉謨

左都孫公

璋

周文簡公

炳謨

都御史曹公

于汴

尚書余公

懋學

卷三

布政薛公

近兗

賓少丁公

元薦

中丞方公

震孺

錄少劉公

元孺
附曹荃

僕少滿公

朝薦

常少侯公

震陽

員外虞公

淳熙

僕少吳公

默

總憲馬公

鳴起

太常卿姜公

應麟

侍郎程公

紹

錄少沈公

應奎